

陈宝箴集外诗文钩沉

刘 经 富

陈宝箴(1831-1900),字右铭,晚号四觉老人,江西修水(清代称义宁州,民国二年分为修水、铜鼓两县)人。清咸丰元年(1851)辛亥恩科举人。同治二年(1863)入曾国藩、席宝田戎幕,立下战功,从此踏入仕途,同治九年以知府发湖南候补。此后历任浙江按察使、湖北按察使、湖北布政使、直隶布政使。光绪二十一年(1895)任湖南巡抚。戊戌维新期间,陈宝箴领导了在晚清史上影响巨大的湖南新政,是晚清有魄力、有建树的封疆大吏,《清史稿》卷二五一有传。

2005年5月,中华书局出版了《陈宝箴集》(以下简称《集》)。分上、中、下三册,共一百四十六万馀字,可谓煌煌巨著。

笔者近又获得未入《集》的诗、文若干,兹予以整理发表。

陈氏合修宗谱跋

右聚奎堂宗谱凡十八卷。旧帙唐有天成谱,宋有嘉祐谱、开庆己未谱,元有至正谱,明以后,谱尤多。其支派皆本于汉太邱长文范先生,而支于宋义门。兹谱仍宋嘉祐而参之《史记·陈世家》、《唐书·宰相表》,通之《汉书》、《三国志》、《宋史》、朱子《纲目》诸书。其有异同,则仍折衷于谱。顾欧阳公谱,断自五世,其间阙者尚多,不敢遽远以失实也。然有其举之,莫敢废焉。《语》曰:“多闻阙疑。”因者,阙之权也。兹谱合修,支派缘起,具前序,不复赘。初,先君子议举斯役,未就而卒。同治壬戌,始因诸族人始其事。越癸亥秋,凡十一阅月告竣。董斯事者,江西宁州则有巧亭、璇堂、林章、惠南、冠儒、芦溪、健邦、守坚、润新、绍瑞、绩熙、惟政、裕升、云高、勋田、上珍、惟翰、德勋、德芳、楚材、云衢;奉新则有郁文、范亮;武宁则有慕威;分宜则有凤达;湖南浏阳则有珀华;福建上杭则有郎园、规成;顺昌则有明江、益贤;陕西洵阳则有光蔚诸人。至于笔墨润色之事,则文凤、宝箴与焉。

同治二年癸亥秋七月扶桑支二十世裔孙宝箴熏沐敬跋。

案:录自义宁州怀远(客家)陈姓同治二年三修《义门陈氏宗谱》卷首。

咸丰元年(1851)恩科乡试,义宁州怀远陈姓录取两位,即陈文凤、陈宝箴。怀远陈姓欢欣鼓舞,敦促陈文凤、陈宝箴出山合修大成宗谱(通谱)。积聚多年的能量终于借科举成功的喜庆契机释放出来。咸丰五年春在州城光远堂设谱局。因太平军于本年五月攻入州城,刚刚开始修谱大事不得不搁置下来。同治元年,政局稍稳,族中耆老复议修谱。于是陈文凤、陈宝箴再次领衔主事,“取闽、越、吴、楚、赣南及南昌府诸县新旧分编诸谱遍核之”,于同治二年秋季将谱修成。

例赠文林郎候选分县记录四次子润府君行述

呜呼!府君弃养,于今十年矣。树年兄弟不克稟承庭训,立身行道,以光昭前德,积愆丛疚,尚复何言。顾念府君生平言行,实有可为世世子孙法者,用就耳目所睹记,摭拾而次第之。府君姓陈氏,讳伟琳,字琢如,号子润,系出江州义门。支祖肇基公以进士知闽汀宁化县,遂家焉。传十一世至扶桑公,迁闽之上杭来苏里;曾祖考文光公,隐居力学;祖考太学生鲲池公,少失怙,奉母迁江西宁州,遂为宁州人;考太学生韶亭公,例赠文林郎。妣例赠太孺人,谢氏处士春兴女,生二子:长心怡公,次即府君。庶妣何氏,生子二:长宣六公,次化南公。府君于诸父为季幼,从就外傅读书,聪颖过人。先大父以孝义重于乡,乡宿儒长者时过从,皆器府君,府君亦乐与老成近。读书观大略,不屑屑于文,然应童子试辄有声誉。会先祖妣谢孺人病疟,医药杂进,几殆。府君窘甚,闻某所神最著,夜半走二十馀里禱之,比返,孺人方寐。府君捡阅架上书,得喻嘉言《愈疟医案》,切病情而未敢试。孺人觉,自言梦一喻姓叟,授丸吞之,觉少无苦。府君喜,如方为丸以进,遂瘳。自是弃举业,究心灵素之书。及先祖妣卒,哀毁骨立,而对先大父则强自抑忍。先大父好客,耽读书,家政一委府君,府君服劳奉养,无纤悉不尽虑。先大父耄年气虚,艰于洩溺,如厕尤患苦,心急则气逆上,苦弥甚。府君多方述乡里琐事,谈笑以悦之,遂不觉。及觉又更端焉,其它温清视膳事率类是。而吾母李孺人年十七归府君,躬操井臼,洁滌灑,能行府君意。先大父卒,府君恻屡绝,祭葬如礼。府君故慷慨,有四方志,以侍养不忍度离。及先大父卒后,于是溯江淮,越齐鲁,至京师,与贤士大夫游。所过风土井疆,皆寓之于诗,归时积草成帙。晚尤喜阳明子书,谓殊途同归,其于朱子,实有补救之力,在学者善取之而已。若近日俗学,支离附会,于本心如隔秦越,则阳明之书,尤不可不读也。尝数以语宝箴,而宝箴方溺于科举帖括,不之省。咸丰辛亥,宝箴举于乡,人咸怂恿赴礼部试。府君不许,曰:“昔人以少年得科第为不幸,汝胸中何所有?令遂阶进,庸为汝福乎?汝方弱冠,能力学未晚,否则吾滋惧矣。”令谢客就别业读。岁癸丑,粤贼扑省垣,时张公芾以督学使者署巡抚事,部署守御有法。而江忠烈公忠源以孝廉起治军旅,率师入城守,卒破贼解围去。府君谓宝箴曰:“承平日久,士大夫所习非所用。今二公皆儒生,乃能若是,其平日必有异人者,愿勉思之,毋徒汨没

流俗中也。”由是宝箴始稍稍知学，激发志气。甲寅春，贼犯州境，府君结乡人助梁口诸团御贼，屡破之。尝昼夜走暑湿中，废眠食，遂于夏五月间积劳成疾。时贼复屡犯境，乡人涂雨人孝廉就府君计事。府君命树年、宝箴迭往襄事，树年兄弟以侍药不忍去，则慨然曰：“丈夫子当为忠义成吾志，作儿女态奚为？”卒令之往。府君平日常书先正格言自警，粘坐壁几遍。易箴前犹手书“成德起自困穷，败身多因得志”及“将为善，思贻父母令名，必果；将为不善，思贻父母羞辱，必不果”等语示树年兄弟。又自书李二曲先生论学书，极论死生之理。遗言唯“修德读书”四字，无一语及他细故。呜呼痛哉！府君貌丰硕，白须如银，声满堂室。性坦直和厚，使佣仆如借，见义则趋之惟恐不及，如祖祠、宗谱、书院、宾兴节孝总坊等事，皆委曲成之不倦。复通晓时务大体，州牧遇地方风教利害事询府君，必恳切以正告。州人士识与不识，皆知为正人。自奉甚俭，饮食皆有规节，而喜缓急人，矜恤孤寡，尝云：“作人莫徒自了了。”又云：“为善最乐，然使有所为而为，则无所为必不为，不为善，必为恶矣。”著有《劝孝录》、《松下谈》、《松下吟》等编，藏于家。府君生于嘉庆戊午年十一月初九日辰时，卒于咸丰甲寅年八月二十一日申时，年五十有七。候选分县记录四次，例赠文林郎。配吾母李太孺人，从九大荣公女。子三：长树年，分缺先用从九，娶张氏茂海公女；次观瑞，早卒；次宝箴，辛亥恩科举人，先用知县，娶黄氏，太学生封武略骑尉心园公女。女三：适周、适萧、适谢。孙男三：长成牧，次成靖，宝箴出，以成靖嗣观瑞。次成五，树年出。孙女三，长适黄黼臣。以甲寅九月四日葬府君于泰乡七都下竹墩彭源未丑兼艮坤向。葬之日，会者数百人，有疏族夫妻二人，哭之哀。人问之，则答以家贫卖妇，而府君假贷得金以保全之者也。呜呼！树年兄弟不能立身行道以光昭前德，回省往训，痛彻于中。爰敬录之，为后人览观焉。同治癸亥夏月宝箴谨述。

案：录自义宁州怀远（客家）陈姓同治二年（1863）三修《义门陈氏宗谱》卷首。

同治元年、二年间，陈宝箴除负责谱局日常文案事务外，还亲自撰写了几篇人物传记，此文即其中之一。

这篇文章是关于陈宝箴父亲陈伟琳生平履历的重要材料。光绪十年陈宝箴迁葬父亲（客家人有二次葬风俗）到州城近郊，请郭嵩焘所撰《陈府君墓碑铭》，即据此文改写而成。

陈巧事先生传

先生姓陈氏，名焕然，巧亭其号也。幼歧疑，负气识，父运生公爱之异诸儿。伯父应生公无子，以先生为嗣。先生事两家父母，存殁无间言。为先人卜窆窆不就，慨然曰：“堪舆家言虽小道，然为人子者不可忽也。”乃弃举子业，萃阴阳河洛百家之书，穷其变会。尝裹粮行万山中，莽宿露处不少倦，卒获吉壤以葬其父若母。又联其族人葺城中家庙，昭穆祀事，一本于

礼，由是宗族间咸重先生。先生美须髯，貌瑰玮，严正而和易近人，人亦乐与先生近。乡井睚眦輶輶，先生至立解。尝自言：“吾少时喜任侠，然不似未折节之周处。继慕王彦芳，心向往之而未逮也。”以故乡之人之重先生，拟于古长者。先生虽废学而喜涉猎书史，间为诗歌吟咏以见意。尤好士，族党后进培植之，如恐不及。尝以资助建书院，部议授职九品。生平谨嗜欲，年八十馀，矍铄如曩时，杖履优游，健饭弄孙以自乐，澹如也。曰：先生于宝箴为大父行，与先大父、先君子两世交往如一日。宝箴为儿嬉戏，先生至则改容敬礼之。今先人相继见背，而先生亦已髦矣，尝数与宝箴论先世交谊，低回往事，感慨嘘唏不置。而宝箴奔走四方，通否得失，先生与为欣戚焉。昌黎谓许远长者，貌如其心，吾于先生亦云。

族重侄宝箴撰

案：录自义宁州怀远（客家）陈姓同治二年三修《义门陈氏宗谱》卷首。

陈巧亭（1782-1863），名焕然，字绣章，号巧亭。与陈宝箴的祖父陈克绳、陈宝箴的老师陈光祖是修水县怀远陈姓最先崛起的几个优秀人物。在创建祠堂、联宗修谱、宗族的公益事业等方面都发挥了重要作用。

培佳洞平江合修宗谱叙

平江陈氏聚其人之同出义门者为祠邑南到湾，已五载矣。丙申秋，聚而为谱，将竣事，问序于余。略稽其谱，其人固散处平江、浏阳、巴陵、湘阴不一，其先实出义门伉、仲、俛三公，其集而谱焉者凡八千馀口丁，其谱例井井，隐然示人以尊祖敬宗收族之意，善矣！夫陈氏之谱也，其知敬尊爱亲之道乎？余惟《周礼》“宗以族得民”一语，因思古有百世不迁之宗，以联属其人，使知亲疏之杀而不失其一本一爱。是以殷民六族七族，易世犹可倭敬爱亲睦之谊，亦愈加笃焉。且宗法之行，而大宗小宗亲杀尊卑之序百世不失，务相维系统属，而并秉承于宗子及族之高年与贵有德者，则一族之人常如一家之身，而无不合不恤之事焉。此故家大族所以长盛而不衰，足为谱牒重也。晋宋六朝之世，比之蔑如矣。后世宗法不修，则兄弟叔伯并世有服属相关者，或淡漠不相教收，甚于路人，遑论五服之外，本为远不相见者乎？故于今之世，虽为立小史之官，疏著其世系，仍不足以稍损薄俗耳。虽然，为人子孙者，诚能敦敬宗收族之义，而又积学有文，能考知其世序以为谱牒，使一族之人亦各能识其氏族所从来，举数千岁之支裔流别而接续于其身，则人有自重为君子之心。所以光荣宗祖而笃仁孝敬爱亲睦之谊者，度必同于古人，抑亦三代先王之遗意矣。吾陈氏有虞后，胡公封国于陈，为得姓之始。历世以来，常有丰功伟德著于史官，而世序不可尽详而知，惜哉惜哉！然天下郡国著姓，陈氏常为大族，而处平江者，自国朝康熙年间，由他邑来徙，谓皆宋义门裔。义门为陈宣帝第六子叔明之裔，谓亦即汉太邱长第四子季方之后也。自徙至今，久而益甚，而宗祠未修，谱牒未合，盖适无人焉为之倡也。近族人名升阶者，始与其族人并修举之，祭祀之

礼著，而世序亦详焉，可不谓知所事乎？夫古者精意良法之所在，遗留至今日，不昭于官守而独系于私家之撰述者，岂惟谱学然哉？然从此而求之，其义不可胜用也。余乐合族之能为此，故举惜抱之说推而论之，因以序其简端。若其义例为谱学所宜讲者，合族其必知之矣，余无以复进也。

诰授光禄大夫头品顶戴花翎兵部侍郎都察院右副都御史巡抚湖南等处地方提督军务兼理粮饷义宁陈宝箴撰

光绪二十四年戊戌月日谷旦

案：录自江西铜鼓县怀远（客家）陈姓民国十年五修《义门陈氏宗谱》卷首。

作为晚清一位重要的历史人物，陈宝箴一生留下的文字极多。因此搜集陈宝箴的遗诗、遗文是一项长期工作，有志者仍须从陈宝箴友朋、僚属的文集、日记和陈宝箴所经之地的地方文献档案材料中勾稽搜集、上下求索，最大限度地挖掘其笔墨文字，接近历史真相。

诰授朝议大夫族叔鸣冈先生六秩寿序

寿之为义，所从来尚矣。宋元以来，始以为寿日张以文辞曰，寿言，浸淫末俗益甚。有明宋景濂氏且以寿言编纂比次，勒为一家之言，其后文士遂以赠寿言为市。近世师儒稍稍明义法者，群发愤矫厉，以称寿张燕为奢俗，而曰寿言非古非古云。而建宁朱氏梅崖之言曰：“古者盖以燕为寿。秦汉之际，为寿义有二，皆于燕行之。若《史记》所称，秦博士七十人为寿咸阳官，汉初奉玉卮为寿未央前殿，义取称庆为寿也；于灞上军夜寿项伯，鸿门军项庄入为寿，亲厚也。称庆者下事上之义，示亲厚则通于婚友乡里族党之间为寿之礼。寿之以言，若《诗》所称，‘黄菊台背’以下，皆析辞也。既酌以祈，从而辞之，以是全其为寿之礼焉尔。其辞，诗人以声于乐，后世以书于屏，其义一也。”宝箴诵其言而颺之，以谓立言之君子，苟得闻朱氏之说，考古今之宜，达情恕之本，权择道义，以靖其心而慎特之于言辞，其可无恣为高论，矜名泥迹而为是哓哓者已。今皇上光绪之五年春三月，族叔鸣冈先生年跻六十，其明年宝箴始克为之辞，以当称庆以明亲厚之义。先生始迁祖为粤东陈氏，而宝箴则系出闽中汀州，盖与宝箴三世祖后先徙义宁，故先生与宝箴累世相亲善，而咸丰辛亥又与宝箴同举于乡。其后遭寇乱，祠庙屡圯败，先生凡再三葺复之，更纠族人编谱牒，调贯世次，用是与先生相处之日益多。而宝箴中间或不亲与，或尝以事舍去，先生则躬督其事，忠敬勤劬，不顾诽讥，工赖以完。同治乙丑，先生成进士，以知县发福建为令，至则决系囚之久不白者。故事，省会鞠狱，以初为吏者充之，使习法令，且以观其能，至是上官皆才先生。权松溪令，旋补安溪令。安溪濒海，邻吕宋诸番。奸民犯法纪，吏莫能捕，捕急则走番中，以故安溪民悍桀称天下。先生治县数月，不为崖岸而恕民以情，民咸便安之。其莅视乡，辄斥骑侯兵卫，率捕卒数人张盖行。所至民奔走相属，无敢梗戾者。先是，安溪某典史贪狠通奸，鱼肉平民，殖财利，而独善事上官。上官悦之，前县令有不

可所为，则挟白刃相向作威势。前县重其官，率容默大息罢去。先生既廉其实，即慷慨列状揭上之，讯如先生言，遂论谴。故治安溪，反于他县为易，去某典史之力也。先生既治安溪日有名，上官亦寝倚任先生。未几以忧去官归，归不复出。呜呼！夫人苟自淑其身，以睦其宗族，推及之为政以仁，于其民则其心和顺易，必默与麻嘉之气，迎迓流贯，相召于无穷，而彼苍之俾以康强耆寿，徵应符合，盖有不啻其所自为者。《诗》有之曰“恺悌君子，百禄是道”，可谓君子者矣。宝箴与先生别且久，比年往还里中，复得数见先生，相与谈生平欢甚。今又当远别，因伸朱氏之旨而益祈辞，走千里为先生寿。先生诵其文，知必以朱氏之言为然，而以宝箴尚不戾于古义也。

诰授资政大夫赏戴花翎二品衔河南彰怀兵备道族愚侄宝箴拜撰并书
光绪六年庚辰岁孟秋月谷旦

案：录自江西铜鼓县怀远（客家）陈姓民国十年（1921）五修《义门陈氏宗谱》卷首。

此文撰于光绪六年（1880）陈宝箴将赴河南省河北道任职前夕。

陈文凤，字鸣冈（1819-1897），义宁州上武乡（今属铜鼓县）人。他于咸丰元年中举，与陈宝箴是乡试同年，同治四年进京会试中式，是清代义宁州十五个进士之一。陈宝箴与陈文凤是义宁州怀远（客家）陈姓的两根精神支柱，是全族公务的主要牵头组织者，两人有很深的道义风谊。

陈光远祠三修祠志序

同治丙寅秋九月，吾族光远祠祠志告成，诸君子以序为囑宝箴。维古者上自朝廷措施大政因革损益文献之所在，下至邦国郡县山川人物贡赋风俗之所存，莫不有志。所以类物记事，传示万世，垂于无穷，使览者有所考焉。若祠之有志，其至微耳，虽然，不可忽也。《记》曰：“尊祖故敬宗，敬宗故收族。”收族故宗庙严，既严矣则不敢忘，不敢忘则不敢以不志。贾谊曰：“圣人之治天下，至纤至悉。”此有国有家者之通义也，又乌可以不志乎哉？吾祠肇于嘉庆壬戌，盖是时闽粤之间迁宁者众，遂合主而祀之。祠成有志，嘉庆戊辰祠谱是也。厥后重建门坊，购后园，与勘丹牖，益增栗主，事竣有志，则道光戊戌祠谱是也。咸丰乙卯，州城陷贼，祠毁。数年之间，寇凡再至。阅岁己未，宝箴寓京师，慨念先泽，霜露之感，怆然于怀，乃邮书族长鸣冈同年及族中诸君子，以祠事为请。而是年春鸣冈已与宿梧及族中诸长者贻费鳩工举其事，数月告竣，迥惟前光，祀事复粲然备矣。辛酉贼复至，祠又复毁，鸣冈诸君复庀治之。而宝箴于此数年中，南北奔走，裹役戎马之间。壬戌归自湘中，晋谒祠庙，规模焕然，幸祖宗之灵有所凭依，而益叹吾族诸君所以尊祖敬宗孝思不匮也。去年鸣冈成进士，以知县签发福建。今年将之官，乃与族人及宝箴重修祠志，凡神主、昭穆、祀产与新定祠规咸载焉。溯自斯祠之兴，先大父与巧亭诸族长创其事，厥后先君子与力焉。自兵燹毁废，宝箴驰骋四方，不复躬与兴复之事，对越祖先，抚衷自疚。今诸君

子推其爱敬，被之族人，俾烝尝之典厘然有章，可大可久，不特祖先之灵爽实式凭之，即宝箴亦藉遣游子之戾于万一矣。《诗》曰：“孝思不匮，永锡尔类。”后之览斯志者，其亦可以从纤悉之细而广其尊祖敬宗之大于无穷也夫。是为序。

同治五年岁次丙寅季秋月日谷旦

诰授中宪大夫赏戴花翎安徽补用知府裔孙宝箴熏沐敬撰

案：录自义宁州怀远（客家）陈姓同治五年（1866）三修《光远堂祠志》。

光远堂是义宁州怀远陈姓在州城的总祠，乾隆末年，陈宝箴祖父陈克绳积极联宗在州城创建总祠，于嘉庆八年落成，陈克绳捐银四百馀两。陈克绳去世后，其子陈伟琳、孙陈宝箴克绍箕裘，在州祠的维修、重建、修谱以及其他有关全族的公共事务中发挥了重要作用。

梯云书院记

咸丰乙卯之岁，粤贼陷我州城，而城中梯云书院毁。寇既平，诸君子乃仍其旧址而重构之。资用不给，载辑载赓，又数岁，始复其故。爰籍其岁出岁入之经，与其所损益者，续为之志，而旧记阙如，走书来武昌以属宝箴。顾念昔者先君子实与始事，小子不敏，其何敢辞。溯惟当道光之际，肇兴兹役，其名之者，州刺史桂林蒋公启馥也。自学校废，士不知所以为教。有宋诸儒辈出，所至与其徒相聚讲习，承学者众，于是筑斋舍，辟讲堂，号曰书院以居之，因其讲学之地与其所师事者之人而名之。其在吾江西者，若鹿洞、鹅湖、象山与濂溪、紫阳是也。今刺史蒋公与吾乡曩时诸老有意于造士，顾以是名士之居，何哉？岂其掇康乐之寓言，希达人之旷逸？抑惟是为士之猎科名，取譬为吉语，若瀛州、蓬莱者然哉？吾知其不为是矣。《春秋公羊传》曰：“触石而出，肤寸而合，不崇朝而遍雨天下者，泰山云也。”今夫云根于山陵，嘘于川泽。其始也油油然，继也蓬蓬然。迺薄乎岩岫，游衍乎虚空，若无与于造化之故。及其际天地，弥宇宙，茫泮混合，雷龙出殁变见，莫测其际涯而泽及乎万物。庄周氏之言，至人乘云气而游乎四海之外，使物不疵疢而年谷熟，云之为用大矣哉！君子之学以致其道也亦然。志基于宥密，德积于微妙。其与人也甚卑以约，而自待也甚高与厚；其志希乎古之圣人贤人，而意量周乎天下；其视流俗库猥隘陋，一室之士逐逐然。苟于富贵利达者，若翱翔霄汉之上，属目夫卉木昆虫而无睹也。古之人志气塞天地，精诚贯日月，其素所自待者无库猥隘陋之见，介乎其中而摅乎其外，故能尔矣。宋王沂公及第，归答庆者曰：“曾生平之志，不在温饱。”是故为时名臣，超越乎流俗科名之士，若霄壤之相远也。山谷黄先生，吾州之贤者也，苏文忠荐之于朝，曰“瑰伟之文，妙绝当世。孝友之行，追配古人”。又曰“独立万物之表，御风骑气以与造物者游”。呜呼！今去先生之居，不啻咫尺，士生其乡，可以知所向矣。然则曩时长者所以命名之义，若曰士苟不卑于自待，而累级循序以渐进于高明之域，学之既成，不匮于施为霖雨，光

日月可也，斯梯云书院之指欤？宝箴不敏，少而失学，长而无所成，今垂老矣，窃愿吾党俊彦泊吾子弟之从事于斯者，思有以答曩时长者造就之怀，与相许与之厚，抗心希古，而以此为上达之阶梯，不其幸夫！谨译其意而为之记。

诰授资政大夫二品衔湖北按察使陈宝箴撰

案：录自光绪十八年（1892）《重修梯云书院志》。

梯云书院是义宁州怀远（客家）人的书院，创办于道光二十四年（1844）。陈宝箴父亲陈伟琳和陈宝箴本人为梯云书院的创办、发展倾注了大量心血^①。

黄公心园夫妇序

宝箴与内兄黄锡禧自幼同学，深以古人品学相期望。予观其养老育少室无僭石，而挈领提纲事有本末，知其家学渊源，大有得于庭训者。今年有事宗谱，述其父母行状，自家中千里投书来贻之长林管次，曰：“吾子文章用能昭家君之有者，敢以请。”箴不获辞，乃乘戎马餘闲，谨拜手序之。按公讳徽，字懿恭，名应亨，心园其号也。幼聪敏，过目成诵，及长，博览群书，为时名宿先生所推许。出以文章投有司，试辄数奇，援例授国子监。复应乡试，又未第。遂弃举子业，摄家政以任父劳。为人正直醇厚，言行不苟，不以一念伤天和，不以一介干义取。孝友传家，经纬教子，持是道也，终其身不变。生子十人，或习诗书，或学骑射，文园艺圃，课督甚勤。不余力，不吝财，时有笑其非治生计者，公毅然不顾曰：“吾生平有志科第，屈于吾身，可厚望吾子也。”长正禧，屡试未遇，授从九职；三腾禧，中己酉乡试举人；四呈禧，中癸卯乡试举人，会兵部试，两次堂备见遣，咸丰五年以军功保举，遇缺拔补千戎；五锡禧，补州优增广生员，屡膺荐；十汝澜，业儒，现应童试，余俱有执业。孙曾林立，咸知大体。迄今庞眉皓首，古道照人。箴登公之堂，樽酒细论，每以古大儒行义达道等语相劝勉，谆谆然君子爱人以德也。箴于是叹熙朝奖育人材，文德与武功并重。公诸子宴集鹰扬，名联赞序，文事武备，各奏尔能，以酬乃父教子之志。而又英姿磊落，前程远大，异日宣力国家，立德立功，光耀门闾，显扬正未有艾也。公其行道有福者欤？德配谢儒人，贞静幽闲，卓有儒家风范。初，公读书别墅，时本乡五都秀才谢韶有名，子弟业儒，门下俱有声童子科。韶见公文，独加宠异，明年访焉，以孙女嫁公。孺人归公后，代夫孝养，常得翁姑欢心。公因委志肄业，无内顾忧。孺人连育四女，未生男，尝有不豫色，一旦请于公曰：“君为主器，年三十尚无子，宜早纳妾以为后图。”公曰：“有待。”孺人泣劝再三，乃娶李氏女为侧室焉。后孺人举子三，李举子七，兰玉竞生，教养不啻己出。数十年欢好罔间，未闻交谏声，皆孺人盛德逮下，承教有自来也。而公修齐之学可概见矣。公旁习岐黄等书，尤精眼科，著有《思明广义》行世，又著有《经

^①参见拙文《从耕读之家到文化世家》，《读书》2005年第2期。

纬课儿集》待刊。

咸丰辛亥恩科举人愚子婿陈宝箴右铭氏拜撰

案:录自义宁州怀远(客家)黄姓光绪二十四年(1898)四修《黄氏宗谱》卷首。

此文约撰于同治三年(1864),时陈宝箴随席宝田军转战赣东广昌、石城、信丰一带,与文中“赣之长林营次”“戎马馀闲”诸语相合。

黄心园(1789-1869),谱名彩徽,字懿恭,号心园。黄心园有子十、女六(四女黄淑贞适陈宝箴)。其中三子腾禧、四子呈禧为武举人。五子锡禧,廪贡生,曾任江西南安府训导,清江县教授。

舜阶夫妇像赞

静听书声续纺声,园林幽致每关情。帘间槛外,松竹风清。唤儿童,休安排凤笙秦箏,且将新茶细烹,名花细评。消受个,鸿案潇洒笑语轻。个好境情描成。为语先生:这里天然佳趣胜蓬瀛。

干云姑丈大人双照 愚内侄陈宝箴拜题

案:录自义宁州怀远(客家)黄姓光绪二十四年四修《黄氏宗谱》。

同治五年(1865),义宁州怀远(客家)黄姓续修第三届宗谱完成,此像赞约写于同治三四年间。

黄舜阶(1809-1880),谱名彩茁,字舜阶,号干云。娶陈宝箴叔祖陈克修三女。陈、黄两姓通婚数代。陈宝箴岳父黄心园(谱名彩徽),与黄舜阶是从兄弟。

黄公蒿亭墓志

天地清淑之气磅礴,抑积而为伟人,其著者勋名钟鼎,声施后世,诚炫耀近古矣。而或知遇未膺,亦不愧为隐君子者,则乡党自好之士,足以矜式里闾,作则乡曲,亦令后人思慕之而不能忘。姻伯翁蒿亭,讳光瑞,字万达,雍正辛亥年十二月十一日丑时生,居太乡七都,与宝箴共乡里,闻诸乡先辈,得以稔悉其为人。公少读书过目成诵,并参前言往行之要,不屑屑于词章记诵之学。且不求闻达,澹定其志气,不肯投其技于有司。乐行善举,有颍川四君子之遗徽焉。尝出赀济贫,仗义全婚,及捐建桥梁道路义仓修城修塔等事,人所素知,抑述不胜述。嘉庆三年荆匪肆虐州城,翁率伯仲助官军,餉四百餘金,以靖乡邦之难。事平,州牧刘公欲上其事于督抚大宪,请奖叙之,翁坚辞不受。居恒以孝友训后,尤能教之以身,尝作家训曰:“子孙虽愚,经史宜读。身心甚重,义礼为闲。毋纵欲,毋盗名,毋贪利,毋妄行。”旨哉斯言,不独可垂裕后之法,抑亦可登风俗之书,所谓匹夫为善于乡,望其庐而式化者,其在斯乎!歿于嘉庆己巳年三月二十日戌时,其后改葬太乡内七都杨婆墩钟形立巽干兼辰戌分金。宝箴适任河南河北分巡道,其曾孙韵兰昔日坐予四觉草堂,课儿童辈读,尝求予为之传,予曾诺之而未果。今复遣人赍书三千里外,谆谆然求志翁墓,故不辞而志之。

咸丰辛亥恩科举人姻重侄陈宝箴右铭氏撰于河北道署

案:录自义宁州怀远(客家)黄姓光绪二十四年四修《黄氏宗谱》卷首。

黄蔼亭(1731-1817),谱名光瑞,黄韵兰、黄韵桐的曾祖父。此文应姻亲兼文友黄韵兰之请,约撰于光绪六年至八年间黄光瑞改葬迁坟时。时陈宝箴在河南河北道(治所即今河南武陟县)任道台。

黄母陈孺人传

世之称妇德者,辄以无才为德,岂不过哉?《诗》曰:“无非无仪,惟酒食是议,无父母貽罹。”盖妇人之有才者,恒以才败德,故诗人俭于祝其女子,以为苟如是,是亦足矣。夫行可列于内,则名参历代之史,地道代终,与天合德。彼无仪,岂诗人本愿哉?然境值裕顺,家用平康,徒以德闻可也。若遇夫之性情高旷,不事家人生产,非得才识兼优者以相助之。其家道之通塞,子孙之成败,关于反复手,此其事不下丈夫百里之命之寄、六尺之孤之托也。于此而无特达之识、明敏勇决之才,其克无负者鲜矣。家姊氏陈孺人,予仲父季女也。幼警敏,最得父母伯叔心,我父尤爱之,谓其孝恭友爱,不失义门家范也。及归黄,翁姑先逝,尝以不克事之为憾。事后姑以孝谨闻,道之者内外无间言。孺人家不中费,食指日繁。其夫子子笙,志气超逸,不投俗好,读书不事词章,析理必及毫芒。精医术,喜济人,奔走外间,不家居者动经旬月。孺人综理家政,教督子孙,井井有法度,故其夫得以肆意适志,不以米盐凌杂累心也。一日有大腹豪,怒孺人之夫之责其过失也,纠党数人登门,欲大肆其凶妄。孺人侦知其意,乃挥袖叱之曰:“鼠子敢尔尔,无谓我夫文士书生。我家虽无人,固有老妇在,老妇将以头颈血溅尔辈矣!”大腹豪叩头谢去,其党亦惴惴然遁。至乡里之柔婉者,孺人则爱怜之,有匮乏者则周恤之。尝自箴曰:“读书知义,为善不匿。”其自励以教家者,兢兢于此,所谓不徒以言教而能以身教者也。至其严肃之气,以母道而兼父道者,及今犹令人想见焉。出腹子五:长韵兰,以廩贡生膺教职;五韵桐,州庠生,湖南候补县丞。孙振镛,早岁有声黉序。皆孺人诚切严实,有以致之矣。呜呼!孺人管家三十年,而相其夫教其子者,克有裨益,以为家道光,至六旬餘始偃息以寿终。盖非徒心力之瘁,而其才其识,实足以济之也,况又非以才败德者可比数,谓非巾幗中之豪杰乎哉!

咸丰辛亥恩科举人弟宝箴书于星沙官廨

案:录自义宁州怀远(客家)黄姓光绪二十四年四修《黄氏宗谱》卷首。

据此文落款地点星沙(长沙别名)和陈孺人的卒年以及义宁州怀远(客家)黄姓四修宗谱完成的时间,此文约作于光绪二十二、三年间陈宝箴任湖南巡抚时期。

黄母陈孺人(1812-1872),为陈宝箴二伯父陈规镜之女,适黄彩葵(子笙)(陈宝箴岳父黄彩徽的堂兄)。子黄韵兰(1838-1917),廩贡生,钦加五品衔候选儒学副堂,著有《致用斋文集诗钞》,未刊。他是陈宝箴青年时代的好友。五子黄韵桐(1851-1917),州庠生(秀才),是陈宝箴的侄女婿。

重刻《黄文节公遗集》后叙

善化黄菊秋刺史牧义宁，重刻宋黄文节公遗集。既成，邮书宝箴武昌，属叙其后。江右人文，自东晋陶靖节而外，于北宋号称极盛。庐陵、临川二公，首以文章道术倡导天下，声名位望，皆足以相副。文节公僻处分宁万山中，与眉山苏氏踵起与相颉颃，各以其亮节高怀，穷极文章之变化，天下号曰苏黄，旷百世而无异辞，固命世之豪杰哉！公名章差后于苏，当时交相引重，有如笙簫之相应和，观坡公荐公自代语，迥非秦、晁诸人所能望。然公终其身见嫉于章、蔡，阏抑之使不得发舒其志意，视东坡殆尤甚焉。独其文采照耀千古，虽寸缣只字，益久而人益加贵爱。有谓：读公诗如见鲁仲连、李太白，不敢复论鄙事，其足以感发人心，可谓至矣。公游咏所经，后之人留连追慕，至不惜牵涉附会，表章几无餘蕴。分宁为公所生之乡，流风所被，尤深且久。外间传刻山谷内外集不少概见，而吾州自宋刺史调元嘉庆中钁版毁失后，仅刻于公裔孙家，学校或鲜诵习，岂非承学之士之咎也欤！刺史凡三牧吾州，治行卓然，每至必有所建立，而要以培植风教为急务。既创建文节祠于南崖，复取公诗集、文集泊生平书牋所自署为《山谷刀笔》者，整齐编次，授之梓人，俾州人士读书者，取之自近，以致其景仰，兴发其志意。微独文节之书将流传久远，其用意盖尤可谓知本矣。宝箴私窃自幸倚附乡里之末，亲睹刺史之勒成此书，又益以是增予心之疚愧矣。

光绪二十年仲冬月既望 同里后学陈宝箴

案：录自光绪二十年（1894）义宁州署重刊本《山谷全书》卷首。

光绪二十年义宁州署重刊本《山谷全书》是黄庭坚全集最为流行的一个版本，董其事者为知州黄寿英。黄寿英（菊秋），湖南善化人，曾于光绪年间三次领义宁州衔。任职期间，修建山谷祠，搜集、刻印黄山谷字帖，搜集、刻印黄庭坚全集。与陈宝箴有交往，光绪二十一年黄寿英刻印黄山谷字帖，即据陈宝箴提供的底本。

秋日登几止岩

系缆临高阁，溪山一纵观。晚云栖浦树，危石咽江滩。未觉湘源远，遥看楚岫寒。秋风最容易，遍送客观难。

昨放愚溪棹，今还绿净轩。连山隐岩谷，缘岸辟江邨。水落沙汀阔，潭空石壁翻。渔翁生计稳，蠲贷不须论。

案：录自《陈芑潭翁遗诗》卷一，民国二十一年（1932）石印本。

二诗附于陈芑潭《和陈右铭都转秋日登几止岩韵并索诸君同作》诗后。陈芑潭和诗后有数首诗作于河南省河北道武陟，据此可知陈宝箴此诗作于光绪六年赴河北道任职之前。

陈芑潭，字凤翔，广东澄海人，与陈宝箴、陈三立父子交情深厚。生平见陈

三立《快阁铭并序》、《陈芟潭翁遗诗序》^①。

几止岩又名澹岩，位于湖南永州零陵县南二十五里富家桥乡潇水河畔，相传澹姓居于岩下而名。洞内怪石累累，横列如几，东西两门相通，可容万人，旁建澹山楼，留有黄庭坚等名人石刻。

此诗题目又作《游永州澹岩东廷芳太守》，见《凌霄一士随笔》卷九“陈宝箴之文才”条所录《四觉草堂诗钞》目录^②。

严雨农诗文集题辞（代拟）

大著五七古古老气苍，如璞玉浑金，不假雕琢，自然名贵。魏元成别饶妩媚，信然。论古处尤平当，无诗人纵横之习，是此道之正法眼藏。律绝风韵洒然，置之雍乾名家，当独据一席。纸窗微雨，绿荫正繁，朗吟未终，心目为豁。观标识，知卷轴尚富，会须乞窥全豹，以当案头海岳。

咸丰庚申五月宝箴谨读一过，于都城宣武门道院

案：录自严雨农《默存庵诗文集》，民国十五年（1926）石印本。

严雨农（1808—1863），名芭，号筠玕山人，义宁州邻县奉新县人。道光十一年中举后，十次赴京师会试，不第。后大挑截取知县，选授福建宁洋县加同知衔。咸丰十年庚申（1860），严雨农与陈宝箴同在京师参加会试，陈宝箴曾撰《送严雨农南归序》。

作者工作单位：南昌大学江右哲学研究中心、哲学系

①《散原精舍诗文集》下册，上海古籍出版社，2003年，第770、911页。

②《凌霄一士随笔》，山西古籍出版社，1997年，第五册，第1952页。